

28.oktober 2020

UKA2020/72

Atuarfeqarneq ilinniartitaanerlu pillugit aqqissuusseqqinneq pillugunassuiaammik Inatsisartut UPA2021-imi ataatsimiinissaannisaqqummiusseqqullugit Naalakkersuisut peqquneqarnissaannik Inatsisartutaalajangiiffisassaatus siunnersuut.

(Inatsisartunut ilaasortaq Jens NapātôK , Partii Naleraq)

Pingaaruteqarpoq ilinniartitaaneq pillugu nalilersuineq ingerlaavartoq periuserineqartuassasoq. Nuna ilinniartitaanikkut annertuumik imminut anguniagassittoq pisussaaffeqarpoq angusassaq angutserlugu nalilersuutit aammalu siunnerfiit erseqqissut pigissallugit.

Ilinniarsimassutsikkut aatsaat taamat qaffasitsigisumik inissisimavugut. Meeraavugut nunaqqativut ilinniarsimassutsikkut appassisumik inissisimasugut. Maanna angusavut ima annertutigaat ilinniarsimasut amerlalluinnartut nunaqqatigaavut, naammassisartut amerlalluinnarput aammalu ukiut tamaasa ilinniarsimasorpasuit inuiaqatigiinnut appakaattarput. Ukiut kingulliit 30-it missaata iluini qaffariaat angilluinnartut inuiaqatigiittut angusaraarput. Nunaqqatikka tuiisigut pattalaarumavakka. Pattalaarumavakka angujumasaq anguniarlugu imminut piumaffiginnissinnaaneq pilliuteqarsinnaanerlu angisooq anersaaralugu ilinniakkaminnik naammassinninniarlutik imminnut upperisimmata. Amerlasuutigut nunatut isornartorsiorniarneqartarpugut angusakippallaartut, atuarunnaartoqarpallaartut aammalu ilinniarsimassutsikkut appasippallaartumik inissisimaneqarluta. Inuiassuit nunat inoqqaavisa akornanni inuianguuvugut ikittuinnaalluta ukiut 30-it ingerlanerinnaani ilinniarsimassutsikkut taama annertutigisumik nikeriaateqarsimasugut, tamanalu nammineq kalaaliusugut qutsatisaraarput.

Tamanna killiffigisimalerparput inatsisartoqarlutalu naalakkersuisoqaratta ukiorpassuarni ilinniartitaanerup anguniakkatut pingaarnertut siunnerfeqartumik ataatsimoorfeqartarsimanagerat. Aningaasaliissutit aalaakkaasut, nalilersuisarnerit aalaakkaasut, tulluarsaernerit ataavartut aammalu periarfissatigit pitsanngorsaernerit ataavartut. Aalajaatsuuneq qasusuitsuunerlu imminut akilersinnaapput.

Amerlapput meerartavut meeqqat atuarfiata naammassinerata kingorna ilinniarfinnut ingerlaqqittangitsut tamannalu akiorumallugu maani inersuarmit qasseeriarluta iliuuseqaqqusisarneq piuvoq. Angusarlunnertut inissisimatillugu aammalu taakku ingerlaqqinneq ajortut sumiinnerinik nalornineq eqqartortarlutigu.

Isiginngitsuusaarneqarsinnaanngitsut ilagaat meeqqanik sumigiinnaanerujussuup atugaasup peqqutit ilaattut isigineqartariaqarnera. Meeqqat angerlarsimaffimmiit kaammattorneqanngitsut,

Nunatta Qitornai

Inatsisartuni



iliniagassaannik ikiorneqanngitsut, qasuerlutik atuariartornissaannik tunuliaqutserneqarsimann-gitsut pinngitsoorani peqqudit ilagissavaat atuarfiup naammassinerani ingerlaqqinnissaminnut nu-kissaqanngitsut. Pissutsit ataqatigiinnerat isiginiartariaqarparput.

Anguniagaqarsinnaavugut torrassuarnik tamanik peqataatitsiffiusussanik. Meeqqalli tamarmik peqataassappata iliuitsit sumiginnaanerup akiorniarnenerani uani aamma immikkut isigisariaqarnera isumaqarfigaarput.

Siunnersuuteqartup nassuiaasioqqusinerata tunngavilersuutitaatigut apeqquusernartortaqaanngilaq, paasilluarparpullu. Nuannaarutigaaarpullu akissuteqaammi takullugu naalakkersuisut erninnaq qanittumi Nalilersuineq Ineriartortitsinermillu Suliniut pillugu Nalunaarusiaq innersuussutitalik saqqummiutileraat.

Iluareqisatsinnillu naalakkersuisut ukiut tamaasa Ilinniartitaanermut Pilersaarutit suliniutit sorliit ukkatarineqarnersut pillugit pilersaarut saqqummiuttarpat.

Taamaammat pilersaarutit saqqummiunneqartartut aammalu nalilersuinerit ingerlaavartut pium-mata allamik nalunaarusioqqusineq tapersinngilarput, siunnersuullu taama isikkoqartillugu itigartil-lugu.